

醫

案

案宜興治驗五卷目錄

儒學士檢老患腸風下血數桶後委頓而右勝極

痛有發明

吳儀制主政尚卿先生患肺經痰火症更兼鼻衄  
宜興令君宋太夫人病胸膈脹痛予診左部俱散  
亂無緒兩尺無神預斷不治三

吳宮詹少溪先生以酒積致胃脘疼又加腰眼足  
跟肢節皆疼四

宜興令君胡太夫人七十二脾洩十五年不愈又

加吐紅咳嗽多痰痰不易出

有發明

曹同府東崗先生患右脇痛予以脉知其傷風

食所致

六

宜興令君胡鏡陽公上焦浮熱胃中食積痰飲又

因勞心動火頭面瘡癰作疼

七

六鵠源先生咳嗽口乾腹中如火滾動不思飲食

右脇痛

八

鷓洲先生太夫人八十六原有痰火大便日三四行夜兩起腸鳴臍腹膨脹脉三四至一止七

八至一止人皆不治予獨起之七

吳鶴洲如夫人胃脘痛百治不効目為惟痰予作  
肝脾相勝之症治而愈十

曹宜崗常憂遺予語以神志不足又疝氣嘈雜食  
硬喉中作梗十一

吳荆樵文學疝氣半年西跨結核硬痛十二

吳鶴洲先生中焦有痰肺氣不足發瘡熱多寒少  
口渴小水不利體倦頭痛十三

吳雪舫先生左脇下紅塊大如鷄子傍有小莖管

作疼予作肝膽二經有熱毒治而愈十四

吳孝廉球泉先生心血不足胃中有痰下元陽氣

不充十五

吳思椿胸膈脹痛痰有紫色痰血十六

吳雙泉公病陽亢陰微之候上盛下虛十七

李寅齋先生患血淋小便艱澀難出竅痛不可言

二年不愈十八

熙宇文學內眷前後心痛耳鳴眩暈嘔逆吐酸

四肢痿軟十九

湯簡庵封君素善飲致發腸風且心腎不交

二十一

吳仰玄先生患胃脘痛痛徹於背痛時冷汗如雨  
杭芝崗文學酒後近內行採戰之法致成血淋

吳中翰漢源先生腸風下血腹中微痛

二十三

吳大柱史安節公脾肺二經有痰火中焦有濕熱  
流於膀胱為淋濁

二十四

吳宮詹少溪翁有酒積而頻傷怒致右脇之火衝  
上作痛耳鳴眩暈大便艱澀

二十五

吳孝廉球泉公內人痢疾後感寒而經至發熱口

渴遍身疼等症 二十六

吳西雲先生庶母筋骨無力不能起止將成痿症  
將近思令即脇痛氣促胸滿喉疼痰有血屑下午

潮熱 二十八

徐學士檢老正月食新蒜炒肉而又胃風寒咳嗽

喉疼聲啞 有發明二十九

萬肅庵先生令即發熱旬日口渴舌乾色如沉香  
六宗伯萬履老夫人石脇痛咳嗽喉乾間吐紅腸

鳴溲瀉 三十一

微閉門合目靜坐一時始甦三十二

吳心逸先生之使患勞倦傷寒

三十三

吳文學霽陽先生以積學勞心而心肺之補不足  
宜與令君胡鏡陽公夫人患陰虛陽搏之候五

太史徐檢老向苦癩疔而妨生育

有發明  
三十六

吳宮詹少溪翁以長君秋捷受賀過勞而傷飲食  
吳別駕勉齋翁體豐腴連跌而口眼歪邪左手足

不能動

二十一



少冢宰徐檢老以賀壽而腎生痔瘡

有發明三十九

宮詹吳少翁患痢赤白魚下裏急後重

四十有發明

臧少庚年五十飲食不順利喉管中梗而難下

醫案五卷

明新安生生子孫一奎文垣甫輯

門人

余煌

徐景奇

子

恭來

朋來

全閱梓

宜興治驗

學士徐檢老體豐厚善飲致有腸風計下血不下  
數桶因而委頓已卯仲冬右脇極疼痛上至耳

後夜分尤甚。左右不能轉動。轉動則痛甚。飲食  
減。面色青。閉目汗出如雨。濕透衣被。故不敢合  
睫而睡。族醫皆投以香附青皮及辛散之劑。痛  
愈甚。汗愈多。面愈青。逆予診之。兩寸短弱。左關  
絃而搏指。右關沉滑。六脉皆近七至。予曰。癰痛  
在此。陽經分野。始必動於怒。木火之性。上而不  
下。故上衝耳後而皆痛也。夜痛甚者。蓋夜屬肝。  
氣用事。內經云。司疎洩者肝也。邪在肝。膈故閉。  
目汗即大出。中焦原有濕痰。法當調肝清熱。解

壽為主。魚利小便不可遽止汗而使邪無出路。今脉太數如邁。歛汗是逆其木火之性。不惟痛加且將發疔毒而害非淺矣。內經云膏粱之變足生大疔。當預防之。公曰何為斂劑而謂不宜。予曰當歸六黃湯內有地黃當歸黃芪皆滯痰閉氣之味。桔梗亦非所宜。書曰下虛者及怒氣上升者皆不可用。故當慎也。因以柴胡黃連為君。白芍甘草天荅粉為臣。紅荅連翹為佐。龍膽草為使。服後汗雖仍懣痛即減三之一。不妨睡。

矣。次日仍用前藥。痛又減半。第三日又服。左右  
轉動如常。飲食亦加。予未至。公已先迎。姑蘓盛  
氏。盛公幼時密友也。家世受醫。公初不急子。自  
引頌期。盛到。可刈枯劑。朽也。盛至。脗鼻。遂詰魯  
用何劑。公出子發劑。示盛。盛大叫稱。謬謂當隆  
冬之候。汗多如此。陽氣大洩。何敢以紫胡為君。  
喉中痰。既未清。又何不用桔梗。當歸。六黃湯。前  
賢已試之藥。置而不用。是舍紀律而務野戰也。  
即取六黃湯。加。以進。公雖信盛。迺傾心以

從速煎服之。未逾時而舊病隨作。色色加惡。左  
右復不能轉動。自戌而至于丑。苦不能支。有內  
侍語之曰。服孫君藥。雖未全可。亦已去泰去甚。  
彼曾言二藥不可用。何為輕犯而受此苦。宜急  
取孫君藥煎飲。飲下即伏枕。鼾鼾達旦。始寤。命  
使速予至。而扣予曰。人言隆冬汗出不當用柴  
胡。而公用為君。何旨。予曰。膽與肝為表裏。肝膽  
之火鬱而不發。故痛痛極而汗。汗出而痛減者。  
是火從汗出。蓋汗廼邪出之門也。予故曰汗不

可欬本草云柴胡瀉肝膽火而以黃連佐之內  
經云木鬱則達火鬱則發言當順其性而利導  
之執則易克古人治火之法輕則止治重則從  
其性而升之者以此蓋醫貴通變如陰虛火動  
而汗出者內無有有餘邪故以六黃湯斂而降  
之常治法也今內有有餘邪未出遽斂降之邪  
無從出勢必成毒故變常而從治者使邪亦出  
路木火之性不逆則毒不成而癰可瘥也公曰  
善哉孫君之劑奇正相生不下孫武子兵法何

輕以無紀律議之。顯投劑而奏凱也。予曰。公數  
日後。瘡瘍大發。兩跨且有興塊作痛。此毒出之  
徵。公于時無恐。改用柴胡白芍甘草丹參苦參  
茯苓藿麥車前子黃柏金銀苓連翹。服三日而  
痛全減。汗全收。左右不難轉動矣。踰日。公謂肌  
膚痒甚。藹藹然。似癩疹。豈瘡出與。欲以藥浴之  
可乎。予曰。可。再三日。兩跨果發興塊。如棋子大  
者數枚。且痛。予業已製蠟礬丸以待。至是。授服  
之。瘡果遍身大發。兩腿為甚。一月餘而瘡。公始



信予防毒之言。不謬。披懷交驩。且作序識勝期。  
與終身不替云。一不信知此功名如神云。

吳儀制主政尚卿先生柱史安節公公子也。弱冠  
時病鼻塞不能噴者四年。且衄寒月更甚。口渴  
咽喉邊有痰核。脉之右寸關洪滑。予曰。此肺經  
痰火症也。與前胡、秦艽、葛根、薄荷、石膏、天荅粉、  
玄參、貝母、山梔子、甘草、白藥子、桔梗、丹皮四帖  
而衄止。夜與牛黃三清丸數粒。噙之。鼻氣即通。  
利能嗅。噲未旬日全愈。先生初年績學。心專忘

一。不知寒暑。致有寒衄疾。又萬曆己卯庚辰。罷  
邑試。皆首選。如此者。再而皆不得籍名。學宮益  
鬱然不適。予時把臂語之曰。先生何以一儒冠  
為汲汲。據脉科甲。當不在尊君下。即館中二友  
亦金馬客也。依愚見。史先登。公次之。吳又次之。  
日後當以斯言為左券。毋相忌。後三公先後登  
第。一如予言。萬曆戊戌春。余應吳宮詹召。公暨  
史王老不與前言。皆為予讓玄珠序。而紀其事。  
以見一時良遇云。二

宜興宋令君。山東人也。太夫人年五十餘。病胸膈  
脹痛。予時寓吳宮詹家。而繩庵安節二公皆宋  
公年友。因二公而逆予。診太夫人脉。右寸關洪  
滑。彈指如黃豆大。左三部散亂無緒。如解索狀。  
兩尺絕無神氣。予不得其受病之源。而宋公亦  
不以病源告。卒然問曰。脉為何症。予曰。據左脉  
為虛弱久病。右脉。似又為飲食所傷。必病小愈。  
而又傷反覆之疾也。其勢亦危。宋公聞言危。迺  
拂其意。貌佯不恭。予見其貌。即辭出。至後堂。有

名醫及學博余公在焉。余公予鄉人也。素亦  
知醫。問曰：症候何如？予曰：不治。渠謂前脰者皆  
無難色。公何去然？予曰：兩尺無神如樹無根。此  
難經所云也。左脉散亂，右脉如豆，大彈指不勻。  
日當見果。後七日而卒。邑中鄉先生士民相傳  
謂予能預決死生云。三

宮詹吳少溪先生有酒積常患胃脘疼。近又腰眼  
足跟肢節皆痛。予謂此皆由濕熱傷筋腠肺痰  
火所致。法宜清肅中宮消痰去濕。俾經絡流通。

筋骨自不疼矣。不可作風痛。而用風劑。公極  
然之。用二陳湯加葶靈。礞。蒼木。黃柏。五加皮。枳  
實。葛根。山梔子。進之。肢節痛減。改用清氣化痰  
丸。加瓦楞子。蒼木。枳實。姜黃。用竹瀝。神麴。打糊  
為丸。調理而安。四

宜興令君胡鏡陽公尊堂太夫人年七十二。脾泄  
十五年不愈。近加吐紅。咳嗽痰多。痰亦不易出。  
申酉時潮熱。胸膈壅塞。不能就枕。飲食大減。且  
惡風。終日坐帳中。諸醫謂發熱吐紅。法當寒涼。

脾洩多年。氣虛老耆。法當溫補。二病矛盾。難於  
投劑。又謂身熱脉大。血家所忌。益束手無能為  
計。皆辭去。且歸咎于長橋上拆屋。致止堂不利。  
以是前丁宋二公。接跡憂去。邑中洶洶。因延予  
治。診得兩手脉皆浮而洪數。亦皆帶滑。予曰。據  
脉洪數為熱。滑為痰。浮為風邪在表。以傷風故  
惡風。仲景曰。當汗不汗。必作衄症。法當清解。可  
無恙也。公以諸醫二病矛盾之說為問。予曰。此  
暗於先後者也。夫脾洩已久。未嘗為害。新病熱

熾宜當速去。所謂急則治其標也。俟邪去之後，  
補脾未晚。且潮熱為風邪所致之熱，而非陰虛  
火動之熱。血運當汗，不汗之血，亦非陰虛火動  
之血。內經云：奪血者無汗，奪汗者無血。當汗不  
汗，邪鼓血動，但得表解，熱退血自止耳。公憮然  
曰：噫嘻！疇昔老母過錢塘，遇風濤受驚，因發熱  
咳嗽，血出痰多。今以公言質之，誠由風邪起病  
也。願以藥進。予用紫菀子、前胡、麻黃、薄荷、鮮薑  
為君，枳殼、枳椇、桑白皮、瓜蒌、紫苑、貝母、消痰治

嗽為臣。酒苓甘草為佐。連服二帖。五更微汗而熱退。胸膈不壅。嗽亦稍減。血止大半。始進粥。次日減麻黃。加白茯苓。夜服七劑。化痰丸。其夜痰嗽又減半。從是不惡風而去。慢矣。前方再減。枳壳加薏以仁調理而安。五

曹同府東崗先生。右脇痛。脉之左絃大。右滑大。此由外傷風。內傷食。所致也。又加咳嗽。夜更痛。體肥面青。寢食俱廢。予以紫蘊。紫胡。解其表。白芥子。桂皮。香附。治其脇痛。山查。蘿蔔子。消其食。查



仁陳皮半夏瓜萋仁治其嗽四帖飲食進嗽亦  
除。脇痛減十之七。再與保和丸服之而安。六

宜興令君鏡陽先生。上焦有浮熱。胃中有食積痰  
飲。平常好食熱物。稍涼即腹痛洩瀉。大便後間  
有紅。又因勞心動火。頭面生瘡癩作疼。脉左數  
右滑數。以玄參石斛白芍各二錢。甘草一錢。天  
花粉連翹貝母各一錢。茯苓八分。薄荷五分。四  
帖瘡癩皆愈。再以保和丸加姜連滑石紅麩白  
朮丸與服半日。全安。七

吳鵬源先生咳嗽口乾腹中如火滾動不知節候亦不思飲食右脇痛脉右滑數左絃數此中焦有痰積也。先以總管丸去其痰而後養脾服後大便下稠粘黃糜甚多。小水如血。此熱下行也。繼以保和丸理脾消餘痰。又使新飲食不生痰也。外呂橘紅貝母天荅粉桔梗酒苓知母薏根甘草滑石服之。其咳嗽亦除。八

六鶴洲先生太夫人年八十六。素有痰火。大便一日三四行。一夜兩起。腸鳴臍腹膨脹。脉三四至。

一止。或七八至一止。諸醫不知溫補。妄以平胃散加黃連山查白芍一切苦寒之劑投之。尅伐太過。因致腹疼。頃刻皆其誤。但謂年高而脈至。至是為凶兆。鮮去不治。逆予診之。予曰。據脈云。脈緩而止。曰結。數而止。曰促。今結脈非凶脈也。由寒濕之痰凝滯所致。法當溫補下元。俾火得以生土。所謂虛則補其母者。當無恙矣。鶴洲公曰。壽筭何如。予曰。兩尺迢迢有神。壽徵也。即百年猶未艾。以補骨脂白朮各三錢為君。杜仲

二錢為臣。白茯苓、澤瀉、陳皮、甘草各一錢為佐。  
肉豆蔻、益智仁各五分為使。四帖大便寬。惟腸  
鳴未止。減肉豆蔻加炮姜五分而安。壽果至九  
十有八。九

吳鶴洲如夫人病胃脘痛。醫有認為虫者。有認為  
火者。又有認為痰為氣為食為虛為血為寒者。  
諸說紛紛。百治不効。群然指為恠疾。請予診之。  
予大面無力。皆六至。予曰。豈恠耶。肝脾相勝之  
症耳。東垣治例。腹痛以芍藥為君。惡熱而痛加

黃栢效此法則治當萬全矣。白芍四錢。一半生。一半酒炒。伐肝補脾為君。大甘草二錢。一半炙。一半生。緩肝養脾為臣。山查為佐。炒黑山梔仁。五靈脂各一錢。止痛為使。三帖而病愈。鶴洲公喜曰。君真能用藥神而降病恠者也。喜。

曾宜崗常多夢遺。予曰。此神志不足也。又有疝氣。近加嘈雜。食硬物。喉中梗作疼。予謂病有緩急。則治有先後。咽喉之症。非急先而何。初為清齋。上焦次為補養神志。俾神旺而精有主。可不長。

湯加滑石酒連批把葉蘆根香附吳茱萸  
 心帖神雜止喉中音舒耳以者壯丸補其神志  
 遠志芍藥蒲石蓮子蓮葶子蓮蓬目毋各二兩  
 白朮五兩枸杞子白茯苓各一兩芡朮入雄猪  
 肚內飯中蒸熟淘為丸梧桐子大硃砂為衣每  
 晚燈心湯送下二錢治疝丸搗煑皂布各四兩  
 川椒山梔子炒黑山查核各二兩紫胡小茴香  
 各一兩哺鷄子壳煨三兩麵糊為丸空心白湯

或酒送下三錢不終劑而瘳。十一

吳荆樵文學。愷悌君子也。左關尺脉甚絃。疝氣平  
年。兩跨結核硬痛。予以平疝丸消之。海藻昆布  
橘核各酒醋炒四兩。玄胡索山梔子仁山查核  
小茴香紫胡各一兩。龍胆草酒炒五錢。醋打麵  
糊為丸。梧桐子大。空心酒下三錢。服一月而消。  
十二

吳鶴洲先生。中焦有痰。肺氣不足。癯一日一發。熱  
多寒少。口渴。小便不利。倦怠頭疼。脉左絃大。右

寸短弱關尺滑大以石膏知母黃耆同柴苓湯  
煎服服後腹作瀉前方去石膏知母邪熱減大  
半惟僅潮熱而口渴甚改以人參葛根知母麥  
冬門冬柴胡陳皮甘草白朮蒼朮五更服之而愈  
十三

吳雪舫先生左脇下紅塊大如鷄子傍有小菩藪  
作疼左脉絃大而數右滑大而數蓋由生平嗜  
燻炙以致肝胆二經有熱毒也用大瓜蒌一枚  
白芍三錢當歸甘草貝母各一錢連進三帖疼



減其半脇下紅成一小癩以解毒早故硬塊潛  
消大毒不成也仍當為活血清熱再用白芍三  
錢當歸一錢半金銀花甘草各一錢大瓜蒌一  
枚連翹山梔仁各八分紅花紫胡各五分四帖  
而愈十四

吳孝廉球泉先生心血不足胃中有痰下元陽氣  
不充脉六部皆弱惟右關滑以遠志枸杞子各  
四兩巴戟兔絲子破故紙山茱萸各二兩五味  
子白茯苓人參各一兩煨薑為丸空心淡鹽湯

送下三錢外以固陽鎖真丹照之龍齒益智仁  
各一兩黃柏二兩辰砂甘草蓮卷心各五錢艾  
實粉打糊為丸梧桐子大每夜灯心湯送下一  
錢五分極能固精十五

李思椿患胸膈脹痛痰中有紫色瘀血其原有酒  
積鬱火也脉兩寸短關滑兩手皆數先與紅六  
神丸服之繼與山梔酒連鬱金香附橘紅茯苓  
半夏麩甘草滑石紫蘘子服後胸膈稍寬仍以  
山梔仁貝母益元散各二兩牡丹皮黃連橘紅

各一兩半白茯苓一兩紫蘇子鬱金紅麴各五錢  
蒲根三兩神麴打糊為丸每早晚白湯送下  
二錢調理而愈十六

吳雙泉云兩寸脉洪大兩關滑兩尺沉微此陽亢  
陰微之候上盛而下虛也上盛者痰與火下虛  
者腎經真陰不足也法當清上補下上清則頭  
目清利耳鳴眩暈之症可除下實則腰膝不痠  
筋骨強健清上用清中左貝母橘紅枳實海石  
心香茯苓白芥子黃連黃芩滑石青魚神麴

先食後茶送下二錢補下用既濟丹辰砂磁石  
各一兩熟生地四兩黃栢知母兔絲子栢子仁  
各二兩牛膝枸杞子白茯苓各一兩半煉蜜為  
丸梧桐子大空心淡鹽湯送下八九十九十七

李寅齋先生患血淋。幾二年不愈。每發十餘日。小  
水艱澁難出。竅痛不可言。將發必先面熱。牙痛  
後則血淋。前數日飲湯水欲溫。和。再二日欲熱。  
又二日非冷如水者。不可燥渴之甚。令速汲井  
水連飲二三碗。猶以為未足。未發時大便燥結。

四五日一行發則瀉而不實。脈左寸短弱，關絃大。右寸下半指與關皆滑大，兩尺俱洪大。據此中焦有痰，肝經有瘀血也。向服滋陰降火及淡滲利竅之劑皆無效。且年六十有三，病已久，血去多，何可不兼補治？當去瘀生新，提清降濁。用四物湯加杜牛膝補新血，滑石桃仁消其瘀血。枳實貝母以化痰，山梔仁以降火，柴胡升提清氣二十帖，而諸症漸減。再以滑石黃柏知母各一兩，琥珀小茴香桂心各一錢半，玄明粉三錢。

海金沙洗藥各五錢。茅根湯送下而愈。十八

徐熙字文學內。嘗患前後心痛。每痛必面赤。手  
心熱。耳鳴眩暈。即飲白湯亦停。高間不下。且作  
酸嘔逆。吐出皆酸水。五七日方止。四肢痠軟。氣  
力。氣逆上嘔。迺其常也。兩手脉皆沉數。左絰。此  
上焦有痰飲故也。先以二陳湯加瓦楞子滑石。  
吳茱萸。連前胡。只壳竹茹。香附。大腹皮。服後  
以續紅。半夏。滑石各二兩為臣。白螺蛸壳煨過。

四兩為君。茯苓、姜、連各一兩半為佐。旋覆、蒼一兩。吳茱萸三錢為使。麴糊為丸。每服三錢。調理。

示愈十九

湯簡菴封君血分熱甚。以善飲致腸風。且心腎不交。予以四物湯加酸、棗、仁、側柏葉、槐、蒼、連、翹、煉蜜為丸服之。頓愈。二十

吳仰玄先生患胃脘痛。痛則徹於背。以手重按之。少止痛。時冷汗如雨。脈濇。此氣虛而痛也。以小建中湯加御米壳服之。而愈。二十一

杭芝崗文學。酒後近內。每行三峰。採戟對景忘情  
之法。致成血淋。自仲夏至歲杪未愈。便下或紅  
或紫。中有塊如筋膜狀。或如蘆木汁色。間有小  
黑子。三五日一發。或勞心。或勞力。或久立坐亦  
發。訪醫問道。百治不効。以吳中書漢源公交善  
能予治之。觀其色白而青。肌肉削甚。胗其脉左  
寸沉弱。關尺絃細。右寸畧滑。據此必肺經有痰。  
痰肝經有瘀血。總由酒後竭力。縱慾淫火交煽。  
精離故道。不識澄心調氣攝精歸源之法。以致



凝滯經絡流於溺道故新血行至被阻塞而成  
淋濁也三五日一至者科盈滿溢故耳先與丹  
參加茅根濃煎服小便解後以瓦器盛之必頃  
即成金色黃砂廼用腎氣丸加琥珀海金沙黃  
柏以杜牛膝連葉搗汁熬膏為丸調理外以川  
芎三錢當歸七錢杜牛膝草根煎服臨發時用  
滑石甘草梢桃仁海金沙麝香為末以韭菜汁  
藕汁調服去其凝精敗血則新血始得歸源而  
病根可除矣三月全愈二十二

吳中翰漢源先生腸風下血。腹中微痛。脉左寸短。右關滑。兩尺絃大。以地榆槐花枳壳各三錢。荆芥穗秦艽青蒿葛根各一錢半。黃連二錢。兩劑而愈。二十三

大柱史吳安節公。脾肺二經有痰火。中焦有濕熱。流於膀胱。為淋濁。溲之前作痛。小便了而不了。脉左寸短弱。關絃大。右寸關滑。兩尺洪大。六部皆數。法當先清上中。二焦痰火。然後提清降濁。庶日後筋骨無疼痛之患。先與葶藶分清飲。加

山梔黃柏滑石服之淋濁減半。改以二陳湯加  
山梔黃柏滑石螺蛸壳木通以去濕熱而消中  
焦之痰。再加紫胡升麻桔梗以提清氣。四帖而  
愈。二十四

吳宮詹少溪翁原有酒積且頻傷於怒致右脇之  
火衝上作疼耳鳴眩暈大便艱澇脉右寸關滑  
數左絃數以當歸龍會丸加牛胆南星治之而  
愈。二十五

吳孝廉球臬公內人痢疾後感寒文月水適至大

發熱口渴遍身疼胸滿飽悶煩躁頭微疼耳亦  
聾大便溏舌上白胎脉七八至亂而無序此三  
陽合病春溫症也時師誤以為瀉底傷寒不治  
予曰病已危醫而不起者有矣未有不醫而起  
者也且投三陽藥服之挑察微應尋相時而動  
以柴胡三錢葛根白芍藥各二錢枳實桔梗瀉  
苓竹茹各一錢天荅粉八分炙甘草桂枝各五  
分服後但覺遍身冷如水面與四肢尤甚六脉  
俱無舉家及醫者皆嘆為物故矣予獨曰非死

候也。蓋夜半陰極陽生，執欲作汗，譬之天將雨而六合皆陰，球泉疑信相半，而諸醫聞之皆嘆去。四鼓後果戰而汗出，衣被皆濕，四肢體面漸溫，神思清爽，且索粥舉家欣欣，以為再生。次日惟耳尚聾，腹中大响，脉近六至，改以柴苓湯加烏梅兩帖而愈。二十六

吳西雲先生庶母，筋骨無力，不能起止，將成痿症。上熱下寒，易為驚恐，小腹左邊疼，以玄胡索五靈脂陳皮半夏青附青皮白芍藥茯苓山梔子

魚服小腹痛減。惟小水頻數。改用青蒿山梔子  
以仁白芍藥甘草藿麥。服後熱退。小水不頻數。  
獨胸膈微痛。夜不欲睡。再以當歸白芍藥山梔  
子香附柴胡陳皮甘草茯苓青蒿調理全愈。  
十七

將近思令。卽脇痛氣促胸滿喉疼。痰中有血。脣下  
干潮熱。口渴頭重。指梢冷。服滋陰降火之劑。不  
効。且紅愈多。痰咳不出。請予診之。右寸關滑大。  
左尺亦大。予謂此肺經有瘀血。濁痰壅而為熱。

也。治當先清化。不當先滋補。以瓜蒌仁三錢。紅  
苓紫苑丹皮枳壳各一錢。滑石二錢。甘草五分。  
前胡青蒿水煎。臨服加童便一小酒杯。兩帖而  
熱退血止。惟咳嗽未除。胸膈不寬。再以瓜蒌陳  
皮貝母蘿蔔子馬兜鈴白茯苓甘草紫苑滑石  
杏仁調理而愈。二十八

徐學士檢老以正月食新蒜炒肉。又冒風寒。因咳  
嗽。喉疼聲啞。翁原有痰火。又為外邪所束。不得  
發越。以致此。治當潤肺清熱化痰。調氣以祛其

本無散邪解表以治其標。庶乎喉痛可除。聲音  
可開亮矣。先與瓜蒌仁、橘紅、桔梗、薄荷、貝母、桑  
白皮、地骨皮、葛根、桔梗、前胡、甘草四帖。復以滾  
痰丸同七製化痰丸兩帖。夜服。諸症除而聲且  
亮矣。此釜底抽薪法也。二十九

萬肅庵先生令郎發熱十一日。口渴。舌心色若沉  
香。且甚乾燥。額上熱。兩脇亦熱。耳微聾。曾未  
有汗。亦已下二次。熱不少。除小便絕。少神昏。足  
冷。飲食不思。市醫技窮。廼告急於予。予診之。左



脉中按數而有右脉軟弱據症為陽明少陽并病也當以柴葛湯清徹其熱看汗有無再當機而處柴胡五錢葛根三錢白芍藥石膏各二錢人參升麻天荅粉各一錢粉草七分水煎服之次早診數脉稍緩熱稍退舌齒仍乾小水不利神思尚昏沉改用柴胡粉草天荅粉黃芩人參白朮茯苓滑石木通澤瀉下午又覺微熱面赤額上痛且重即以益元散三錢服之大便行一次澹而色黃熱仍甚

再服前藥後小水

原缺

陽先生篤志士也。以積學勞心。又有星  
二以已卯決科許者。其星士前許歷歷有驗。至  
則瘡發不能終場。遂心憂而成顛狂。日間或悲  
或歌。或鼓掌。或頓足。甚則罵詈不避親疎貴賤。  
延叔邀予視之。面白而青。脉兩寸短弱。關絃右  
關滑。兩尺平。予謂兩寸脉旣短弱。此心肺之神  
不足。志願高而不遂。其欲鬱結不舒。津液生痰。  
而不生血。又攻痰尅伐太過。心神愈不得養。故  
昏亂而無所攝持。內經云。主不明則十二官危。

按此則治宜補養。疲歛心補而煎之清痰可萬  
全也。用酸棗仁、人參、茯神、小草、丹參、當歸以補  
心安神。黃連、竹茹以清肝胆之火。玄參佐之外  
以龍齒、珍珠、鈴、犀角、牛黃、胆星、天麻、青黛、辰砂  
全。蠟、冰片、黃連、甘草膏為丸。金箔為衣。調理而  
愈。三十四

宜興令君胡鏡陽老先生夫人夜間熱口涓。絳行  
過十日復行。小腹痛。兩寸關。短弱。兩尺洪滑。予  
診畢。語曰。此內經所謂陰虛陽搏之候也。可預

防之以川芎當歸條芩蒲黃白芍側柏葉生地  
荆芥進之。下午熱甚口中氣如火噴血下如傾  
內有紫塊小腹仍痛。廼用川芎二錢當歸四錢  
地榆香附各一錢半黃芩一錢蓮蓬壳一枚燒  
灰煎服兩帖而止。三十五

太史徐檢老向為癩疽所苦而妨生育辛巳孟秋  
有江右陳嶺泉者以是症為專科寓蕪錫翁延  
而治謂將爛藥煮竹片夾陰囊俾囊爛見子。又  
以爛藥點開腎子使其中蓄積臭水潰出然後

用生肌藥長肉收功。翁以此治與道中諸友商之。無有勸者。而謀於予。予曰。翁疾非常疾。則治當非常治也。陳能為翁治於外。予當佐陳補於內。內外兼治。必可成功。翁因子言而決用陳。是時予有湖州之役。而陳用其術。治一月。囊爛子開。洞見水泡。第不能使泡破水出也。由是胸中氣滿。汗出如流。終夜不寐。飲食減三之二。面青肌肉瘦其半。形氣弱而大便艱澀。腰腎俱痛。苦不可殫述。將令人急。予適自湖州至。荆溪王

吳少溪公家翁時杜門謝客。聞予至大喜。而促  
予診脉。兩寸軟弱。右尺大。右關滑。予診畢。曰。向  
請佐陳治內。今其時也。比陳枝已竭。而水不得  
入。翁又難於痛。業已用收口藥矣。子曰。無傷。痛  
由元氣虛憊。而汗亦因痛來。汗去多。則心血不  
足。心血不足。則神失養。故不寐。脾胃為痛所傷。  
故飲食減。今只大補血氣。不惟痛止。疾除。即水  
泡亦可出也。陳謂用補收口生肌。或可使泡出  
水。或未必然。予曰。三日後當自見。翁曰。補甚善。

素生平不能服參。何子曰：翁體非昔比也。脉症皆可服。又何憂。迺用人參、黃耆各三錢，當歸、白芍、石斛各一錢五分，陳皮、貝母、紅苓、粉草各八分，飲下即睡。次早汗乾，且索粥。胸膈頓寬，連服兩日，痛減大半。飲食頓加，精神亦爽。迺陳恐予奪功，私譖之曰：孫君之藥雖善，但非外科所急。服之恐生肌，收口後而水終不得出也。翁謂必如何而後可。陳曰：當於前藥加羌活、防風、白芷，遠志、減去石斛，則外內兩得矣。翁然其說，且服。



其藥飲未半。而痛立至。汗立出。頭熱如火。氣逆  
上升。夜竟不寐。種種病復矣。亟索予劑。予知陳  
之忌而行譖也。迺宣言曰。予寔佐尔成功耳。尔  
何自敗。尔知翁之痛乎。元氣虛而毒藥凝滯。故  
補而助之。活動其血。則毒藥自行。藥行則泡可  
潰。水方可出。翁之謝尔。已有成議。予雅善翁。未  
者為義。非為利也。鄙見與尋常較不牟矣。陳聞  
言而語塞。亦以投劑無功。遂乘机而聽予治。仍  
用前方。加酸棗仁。枸杞子。皂角刺。各一錢。兩帖。

而汜漬出臭水。五六椀。囊隨消羶。陳拊掌曰。今而後知用補之神。其老先生之福也。太史受補自此始。三十六

丁酉冬。宮厝少溪吳公。年七十二。以長君秋闈之捷。應酬賀者。過勞過飲。又傷於大肉。市醫槩用消導之劑。投之。漠如也。反加內熱。常州張氏荆溪縉紳大家。特為鎖鑰者。至則謂公高年過勞。消劑峻而致內熱。用補可愈也。因投人參。則右脇脹痛。晝夜不寧。張又謂補法不差。惟少行氣。

之味。故無功耳。於前藥加木香砂仁辛熱止痛之劑。益嘔吐不止。脹痛轉劇。而大便燥結。張不自咎。不認病而誤投。迺遍語縉紳相知曰。吳少翁。老羊鬲食。非其所宜。丹溪復生。無能為也。少翁聞予在茗而急。予治。予兼程而往。至則錯之。念一日也。診其脉。左絃右滑。兩手皆數。且搏指。諦視其色。神藏氣固。惟肌肉略瘦。手心甚熱。予曰。此內傷症。非鬲食症也。公曰。諸君言吐而大便燥結。食不得下。非鬲而何。予曰。否。公原不熱。

不痛又不吐。由誤飲藥而使然耳。書云。通則不痛。痛則不通。大便既燥。而用補非也。經曰。食不得入。是有火也。尤用辛熱。非之非也。以是而治。譬之以油救火。益令其熾爾。予見與諸醫不也。即與琥珀調中丸一帖。其夜脇痛稍緩。次早。脘之脉仍如前。予決謂非通不可。即以龍會丸與調中丸兼服之。五日內。下黑糞十五六次。諸症悉減。飲食大進。改以保和丸調中丸調理。念七日。公即能申禱。元旦命庖人治酒。榜人艤舟。

拉于泛於南門持觴為子壽曰與兄別者六  
年不憚勞涉險而赴吾急自今以後之齒皆兄  
之賜也敢不銘心為驩竟日至穀日子廼別而  
復之茗三十七

別駕吳勉齋翁體豐腴嗜炮炙任性縱慾年六十  
七極躁急一日跌傷其齒恬不為意閱三日復  
跌亦不為意復跌之次日晚左手足忽不能動  
口眼歪邪陸懷南先生公通家友也即往診之  
語公諸郎曰此中風也治不可緩急取牛黃

進之諸郎皆有名博士弟子。延予為治。診其脉左洪大右緩大。觀其色蒼黑。神昏。鼻呼長而吸短。呼至口。氣嘔嘔出。不能回。終日偃卧如醉。人不能動。陸曰。此非半身不遂乎。予曰。症候甚惡。不特半身不遂也。半身不遂者。中風已過之疾。其勢仍緩。亦有十餘年無恙者。今終病。執便若此。應中風之漸方來。且不可測。陸重厚長者。所詣亦精。聞予言。當下了然。即與予商。雖用藥始以六君子湯加全蝎。姜蚕。天麻。與之。兩月。神

氣仍未清猶昏睡、猶呼吸、口邊嘔、然間作  
些粒米尚不進、前藥再加竹茹、又兩日神始甦  
欲言而舌難掉、嘔不能出、諸以前藥又加石  
菖蒲、遠志、紅苓、始能進粥、數日、日計亦可茶、醃  
許、夜與正舌散同前藥飲之、又三日能坐、粥亦  
頗加、惟言尚寒澁、欲言以筆代口、寫我左手其  
痛、大小便艱、少、又用四君子、加陳皮、竹茹、當歸、  
芍藥、紅苓、鈎藤、天麻、服三日、神思大好、飲食日  
加以、是方調理、弥月、手痛減、稍能動、足稍能伸、

扶起能坐。且能自按譜鋪牌。語言十分清。至八  
九。駭。有萬全之望。惟大便有七八日。或十餘  
日。始一行。予曰。此血少之故。補養久。當自全。幸  
無它用。而速害。公常自言。吾疾。痼痰在鬲間。何  
能得一吐為快。此醫家有授之言也。予曰。公脉  
大虛。非餘痰為害。况今以補養而漸安。此其明  
驗。何敢輕試一吐。願寧耐靜。毋涉險為也。此  
戊戌九月念五。予以是日。別往苕城。別不及旬。  
公復傾心。而任張甲。張大言曰。公病可吐。蚤吐。



參見諸郎君始信予言持議不可彼曰公病瘵  
也不可吐吐後而補可全瘵而無後患不然  
必成痼疾公欲速効決意吐之諸郎君不能阻  
一吐而煩躁猶曰吐不快耳須大吐始可再吐  
而神昏氣促汗出如雨立時就殂可嘆可嘆  
十八

少冢宰徐檢老以萬曆丁酉三月初旬往賀長興  
臧老夫人眉壽而發寒熱臂近肛硬處生一毒  
紅腫而痛坐卧為艱因歸荆溪訪治外科即以

鑿針點開。搗藥線於內。塗以爛藥。使膿血急流。又於膏口上。以生肌藥敷之。使易收口。可受謝而去。未半月。其傍之硬處。又紅腫痛。寒熱交作。幾於成膿。以前醫有功。遂復延之。至則又以向者之法治之。受謝而去。迺醫迺患。迺針而迺插藥。計其患者凡八遍。計其醫之更者。如張如魯如馮凡八人。有陳外科者。則總其中。而受謝獨多。其時則丁酉三月至戊戌八月。幾年半矣。於時予赴吳。少溪翁召。因知翁在尊。亟往謁於卧。

樞間翁見予至。悲喜交集。備陳其歷病之由。針  
刀之苦。伏枕歲月之深。輒為痛心。予聞之。亦為  
酸鼻。諦觀其色。則青慘。診其脉。皆濡弱。把其手  
足。則冷如冰。問其飲食。減平日之六。究其所服  
之藥。則視角黃。栢生地。涼血解毒之類。予駭然  
而語翁曰。此痔瘡。非痔漏也。痔漏當用掛線。以  
五灰膏點之。可愈。今腫硬無定處。離肛門且遠。  
况其初。有無硬塊。硬塊由插藥凝滯中來。諺云。  
剝肉做瘡者。非耶。假令非翁稟氣厚。胃氣壯。安

能六十以外之年。而當此剝削哉。初只可大補氣血。即有毒。只宜托出。一膿而愈。未成者使活。動消散。不復生毒。此王道之治。不勝於針刀萬萬。諸君之治。如避影者。不知息陰而急趨。以求避。則影益速。而氣促救矣。自殆之道也。翁初不逆予者。以非外科。至聽予之論。幡然有悟。又見玄珠集有外科二卷。益信予之善外科。而聽予治予。即以十全大補湯進之。四帖而飲食加手。足暖大便艱澁。百方潤而不能行者。今亦通利。

而肛門如不知也。諸外科猶嘔嘔。議補非是。不  
極言排之。翁惟予為聽。予以何首烏四兩。人參  
枸杞子黃耆當歸熟地各二兩。槐角秦艸各一  
兩。蜜丸服之。不終劑。其腫處少出膿。而全瘳。便  
亦不生硬塊。益信向之硬塊為挿藥之毒所致  
也。翁喜為謹曰。予病非孫君諸外科視我疾為  
金穴。其取寧有已耶。呵呵。三十九

宮唇吳少翁患痢赤白兼下。裏急後重。市醫治半  
月。後重不除。飲食漸減。最苦者。下午發熱嘔吐。

遭遣使往茗招予。予聞狀心怖。即涉險而過大湖。一晝夜而至荆溪。翁卧榻已二十日。觀其色唇紅面瘁。聽其聲微弱不揚。但一兩語。氣即不接。續下午潮熱。至丑方退。形神俱弱。診其脉兩手俱大。而無力。右關略滑。予曰。據此。迺虛實實之候。不足中之有餘也。治當補養兼清。兼消緩以治之。庶可無恙。公深然之。以四君子湯加白芍藥黃連山查滑石陳皮紫胡西帖而潮熱除。嘔吐止。去紫胡。因口渴不止。加葛根六劑而

飲食漸進血亦止。惟白膿不除。改用人參白朮  
各二錢。白茯苓白芍藥當歸神麩各一錢。酒連  
陳皮澤瀉各七分。滑石山查各一錢半。外以左  
劑消息盈虛。調養半月。則神氣回而飲食大進。  
肌肉漸生矣。少冢宰檢翁問曰。諸醫先謂老翁  
痢非所宜。又嘔吐飲食不進者。謂之噤口。且身  
熱脉大。為痢所忌。公不旬日而收功。豈諸醫稱  
書之忌。皆幻妄哉。予曰。諸君所言。皆至言也。第  
非因時制宜耳。愚見以脾胃。迺五臟六腑之君。

廉。故曰納穀者胃。又曰人身之內，穀氣為寶。子  
姑含痢不治，而先開胃口，俾進飲食，使新糟粕  
將宿穢壓下。若見糞，則後重除，而痢易愈也。然  
又相其初宜。若食入而腹脹作痛，又量執畧與  
疎通通後，或氣虛下墜，又因執而畧與升提。大  
抵以理脾胃，進飲食為先。此亦遠交近攻之  
策。口雖多功，可萬全矣。斯僕一得之愚，屢試而  
屢驗也者，諒不先開胃口，不審老弱不揣緩急，  
一槩治痢，雖有得，未必無失。豈勝笑哉。公曰善。



減少。庚年五十。每飲食胸膈不順利。覺喉管中梗  
梗。宛轉難下。大便燥結。內熱。肌肉漸瘦。醫與五  
香連翹湯。五隔丁香散。諸治膈之劑。嘗試之不  
效。時予方有事於先塚。久未遠出。臧則不遠千  
里。而就予治。觀其色蒼黑。目中神炯炯。不眵。惟  
氣促骨立。予知其有機心人也。其脉左絃大。右  
滑大。予謂之曰。據脉廼謀而不決。氣鬱成火。脾  
志不舒。致成痰涎。因而血少便燥。內熱肌消。張

鷄峰有言。高廼神思間病。即是推之。子當減思慮。斷色欲。薄滋味。絕妄想。俾神思清淨。然後服藥有功。不然。世無大丹。而草根木石。何足恃哉。子既遠來。子敢不以肝膈相照。茲酌一方。頗安歸。即製服。但毋輕示人。恐見未精者。妄為加減。敗迺事矣。慎之慎之。臧曰謹如教。其方用桂府滑石六兩。炙甘草一兩。真北白芥子。蘿蔔子。射干。連翹子。各一兩半。辰砂五錢。以竹茹四兩。煎

平  
書  
月

陽打饅頭糊為丸。菜豆大。每食後及夜用燈心



下缺